



اوتيم تكنولوجي مارا
UNIVERSITI
TEKNOLOGI
MARA

Cawangan Terengganu

Info

USAHAWAN

Usahawan Pemacu Ekonomi Mapan

Edisi 30

ISSN 1823-6421

BULETIN ADALAH HAK MILIK KEKAL MASMED UiTM CAWANGAN TERENGGANU

Galakan Kepada Golongan Muda Memilih Kerjaya Sebagai Usahawan Tani Untuk Menangani Krisis Makanan Negara

Zainah Jalil¹, Nor Aizan Mohamed² dan Noorain Mohd Nordin³

Fakulti Pengurusan dan Perniagaan, UNIVERSITI TEKNOLOGI MARA
Kampus Bandaraya Melaka

Email: zainah@uitm.edu.my

Malaysia banyak bergantung pada sumber makanan dari luar negara bagi memenuhi permintaan pengguna. Mengikut pakar ekonomi negara, Prof Emiratus Dr Barjoiyai Bardai, kebergantungan negara terhadap makanan impot telah meningkat pada kadar 80%. Jika keadaan ini berlaku secara berterusan, negara mungkin akan mengalami krisis makanan yang serius terutamanya apabila berlakunya sekatan impot dari negara pembekal seperti mana yang berlaku ketika pandemik Covid 19 melanda seluruh pelusuk dunia.


Persoalannya, mengapakah senario ini berlaku, sedangkan negara kita memiliki sumber alam seperti tanah yang subur dan sesuai untuk dimanfaatkan?. Penglibatan golongan muda dalam bidang pertanian masih lagi di tahap yang rendah. Sektor pertanian sering dianggap sektor yang dimonopoli oleh golongan berusia (purata umur 45-60 tahun). Hanya kira-kira 15% golongan muda yang terlibat secara serius dalam bidang pertanian berbanding lebih sejuta petani berdaftar di seluruh negara (Utusan Malaysia, 2020). Jika keadaan ini berterusan, negara kita akan mengalami ketandusan pengusaha dalam bidang pertanian. Tanggapan negatif golongan muda terhadap kerjaya sebagai petani sering dikaitkan dengan masalah gaji yang rendah, kesukaran mengembangkan kerjaya dan pekerjaan sektor 3D “difficult, dirty and dangerous” menyebabkan kebanyakan mereka tidak memilih bidang pertanian sebagai kerjaya. Justeru, pelbagai strategi perlu digembeling bagi menggalakkan golongan muda untuk berkecimpung dalam bidang pertanian dan menjadikan mereka seorang usahawan tani yang berjaya.

Di antara strategi yang boleh dilaksanakan untuk menggalakkan golongan muda memilih kerjaya sebagai usahawan tani adalah:

1. Mengubah sikap dan tanggapan negatif golongan muda terhadap kerjaya sebagai usahawan tani

Hasil dari kajian Syahida dan Mohd Hazwan (2018) mendapati faktor keluarga, persekitaran, pengetahuan, dan diri sendiri menjadi faktor utama yang menyumbang kepada minat belia untuk menceburkan diri dalam bidang pertanian. Minat untuk menjadi usahawan tani boleh dipupuk dengan memperbanyakkan publisiti seperti memperkenalkan kepada mereka tokoh-tokoh usahawan tani yang berjaya, mengadakan sesi lawatan ke ladang tanaman dan ternakan,, mengadakan pertandingan atau permainan bertemakan pertanian terutamanya di institusi-institusi pendidikan dan yang paling penting mendapat galakan dan sokongan dari keluarga mereka sendiri.

Selain daripada itu, pihak media samada elektronik dan media cetak boleh memainkan peranan dengan memperbanyakkan lagi program bertemakan pertanian seperti Program Agrotek di TV1 dengan pengisian yang lebih menarik bersesuaian dengan minat golongan muda.



Sistem Rumah Hijau Pintar

Sumber: <https://www.google.com/>

2. Pelbagaikan teknologi pertanian moden yang boleh menjana pulangan yang lumayan

Penggunaan teknologi pertanian pintar seperti hidroponik, sistem dron untuk pengawasan, pengurusan tanaman, “vertical farming” serta “sensor” seharusnya digalakkan dan dipertingkatkan penggunaannya dengan kos yang lebih murah. Ianya membolehkan pengeluaran produk dapat dikeluarkan dalam skala yang besar, menjimatkan kos tenaga kerja, meminimalkan penggunaan tanah dan masa serta dapat mengurangkan risiko. Pendedahan dan pendidikan kepada golongan muda tentang teknologi pertanian moden dalam proses penyediaan, penjagaan, pengutipan hasil produk sehinggalah kepada pemasaran perlu dilaksanakan

aktiviti pertanian secara berterusan.

Oleh itu, memupuk minat golongan muda terhadap kerjaya sebagai usahawan tani secara profesional sepatutnya dilipatgandakan agar masalah kebergantungan sumber makanan negara kita kepada import dapat dikurangkan dengan melipatgandakan pengeluaran makanan negara. Ternyata golongan muda lebih bersedia menggunakan sistem pertanian yang moden dengan pengeluaran yang lebih cekap dan berkesan. Lebih penting lagi kejayaan mereka banyak ditentukan oleh sikap positif golongan muda itu sendiri hasil dari pengetahuan dan kemahiran yang dimiliki dan kesungguhan yang tinggi serta kesanggupan menanggung risiko. Dengan bantuan dan sokongan dari pelbagai pihak termasuk keluarga,



Penggunaan robot dalam pertanian
Sumber: <https://www.google.com/>

3. Menyediakan sistem sokongan yang cekap dan berkesan

Usahawan tani sentiasa menghadapi pelbagai risiko seperti serangan penyakit dan perosak, bencana alam, kesukaran untuk mendapatkan sumber bekalan bahan mentah dan tenaga buruh, kekangan kewangan dan juga risiko pasaran memaksa mereka menanggung kerugian. Oleh itu sistem sokongan yang cekap dan berkesan amat diperlukan samada dari segi pengurusan sumber, pengurusan risiko, latihan kemahiran teknikal, juga insentif kewangan dan khidmat nasihat, pemantauan, dan perkongsian maklumat dari agensi-agensi pertanian. Penggubalan polisi oleh pihak kerajaan juga berperanan dalam memberi kemudahan kepada mereka untuk mengusahakan

masyarakat dan pihak berautoriti, misi meningkatkan pengeluaran makanan negara melalui anak muda pasti akan membuahkan hasil serta membawa kejayaan yang cemerlang.

Rujukan

1. Abdul Rashid Abdul Rahman (2020) Hanya 15 peratus golongan muda dalam bidang pertanian <https://www.utusan.com.my/berita/2020/12/hanya-15-peratus-golongan-muda-dalam-bidang-pertanian/>
2. BH online (Ogos,(2021) Kebergantungan negara terhadap makanan impot semakin meningkat [Kebergantungan negara terhadap makanan import semakin meningkat | Lain-lain \(Bisnes\) | Berita Harian \(bharian.com.my\)](https://www.bharian.com.my/berita/2021/08/kebergantungan-negara-terhadap-makanan-import-semakin-meningkat)
3. Kamaruddin, R., Abdullah, N., & Ayob, M. A. (2018). Determinants of job satisfaction among Malaysian youth working in the oil palm plantation sector. *Journal of Agribusiness in Developing and Emerging Economies*, 8(4), 678-692.
4. Maisarah Che Ahmed Sarmila Md Sum (2017) Belia Dan Keusahawanan Tani : Kajian Faktor-Faktor Yang Mempengaruhi Penglibatan Belia Sebagai Usahawan Tani Di Pasir Puteh, Kelantan. *JURNAL WACANA SARJANA* Jilid 1(1) Dis 2017: 1: 18
5. Mohammad Zulhafiy Zol Bahari (2022) Gembleng petani muda, R&D jayakan transformasi pertanian. *Berita Harian* online. <https://api.bharian.com.my/rencana/lain-lain/2022/06/965337/gembleng-petani-muda-rd-jayakan-transformasi-pertanian>
6. Syahida Sidek and Mohd Hazwan Mohd Puad (2018) Eksplorasi Minat Dan Faktor Dalam Pemilihan Kerjaya Pertanian Dalam Kalangan Belia Prosiding Seminar Kebangsaan Majlis Dekan Pendidikan Universiti Awam, 7-8 November 2018. pp: 1330-1336.
7. Wan Nur Sa'adah Surianshah, Lai Wei Sieng, Norlida Hanim Mohd Salleh, Siti Hajar Mohd Idris & Hawati Janor (2021) Faktor Mempengaruhi Penglibatan Belia Dalam Sektor Perladangan Kelapa Sawit *International Journal of Management Studies*, 28, No. 1 (January) 2021, pp: 115-140

